

## Časopis *Pregled* (2003-2020)

Prvi broj časopisa *Pregled* objavljen je davne 1910. godine, a do danas, časopis *Pregled* je imao nekoliko prekida u kontinuitetu izlaženja, izlazio je u periodu od 1910. do 1912. godine, zatim u periodu od 1927. do 1941. godine, u periodu od 1946. do 1949. godine, potom u periodu od 1953. do 1991. godine, da bi 2003. godine Odlukom Senata Univerziteta u Sarajevu sa Sjednice održane 26. 12. 2002. godine, iznova pokrenuto objavljivanje ovoga časopisa u štampanoj te elektronskoj formi.

Glavni i odgovorni urednik časopisa *Pregled*, nakon njegovog ponovnog pokretanja 2003. godine, bio je Salih Fočo i to od broja 1 / 2 (2003) do broja 1 / 2 (2005). Od broja 3 / 4 (2005) do broja 3 / 4 (2007) glavni i odgovorni urednik je Mirko Pejanović, od broja 5 / 6 (2007) do broja 3 (2010) glavni i odgovorni urednik je Mustafa Imamović, a od broja 1 (2010) do broja 1 (2020) glavni i odgovorni urednik časopisa *Pregled* je Senadin Lavić, s napomenom da je glavni i odgovorni urednik Supplement-a iz 2018. godine Rifat Škrijelj.

Zamjenik glavnog i odgovornog urednika od broja 3 / 4 (2005) do broja 3 / 4 (2007) je Mustafa Imamović, a zamjenica glavnog i odgovornog urednika od broja 5 / 6 (2007) do broja 1 (2020) je Marina Katnić-Bakaršić.

Članovi Redakcije od 2003. godine od broja 1 / 2 (2003) do broja 1 (2020) bili su: Salih Fočo, Dragoljub Stojanov, Jasna Bakšić-Muftić, Enes Duraković, Milanka Miković, Dubravko Lovrenović, Mirko Pejanović, Meho Bašić, Enes Duraković, Mustafa Imamović, Senadin Lavić, Safet Smajkić, Nusret Smajlović, Hidajet Repovac, Marina Katnić-Bakaršić, Uzeir Bavčić, Nijaz Bajgorić, Enes Durmišević, Elvir Čizmić, Enes Durmišević, Midhat Mekić, Merima Čaušević, Jasmin Ahić, Izet Bajramović, Amela Dautbegović, Amir Duranović, Enes Durmišević, Amer Osmić.

Od broja 3 (2008) članovi međunarodne redakcije su: Zvonko Kovač, Dragan Milanović, Milan Podunavac, Vesna Požgaj Hadži, Dragan Prole, Stanka Setnikar Cankar, Mitja Velikonja, Veselin Vukotić.

Sekretar Redakcije od broja 1 / 2 (2003) do broja 1 (2020) je Fuada Muslić.

Izuzev faksimila iz 2010. godine (LI / 1, dio I i LI / 1, dio II), kojim je obilježeno 100. godina od izlaženja prvog broja časopisa *Pregled*, a koji je obuhvatio odabrane radove objavljene u časopisu *Pregled* u periodu od 1910.

do 2010. godine, te Supplement-a iz 2019. godine, preostali brojevi *Pregleda* dostupni su u online obliku, brojevi *Pregleda* od 2003. do 2018. dostupni su u otvorenom pristupu na službenoj web prezentaciji časopisa *Pregled*,<sup>1</sup> a brojevi *Pregleda* od 2019. do 2020. u arhivu CEEOL (Central and Eastern European Online Library), također u otvorenom pristupu, s napomenom da je svaki od ovih brojeva dostupan i u štampanoj formi, promjenjivog tiraža, u rasponu od 300 do 500 primjeraka.

Časopis *Pregled* se od 2009. godine indeksira u bazama podataka Index Copernicus International i EBSCO, te se od 2010. godine arhivira u pomenutom CEEOL-u.

### **Napomene uz Bibliografiju *Pregleda***

Povodom 110. godina od objavljivanja prvog broja *Pregleda*, urađena je Bibliografija časopisa *Pregled* (2003–2020), kao i Bibliografija časopisa *Pregled* (1979-1991) čija je priređivačica prof. dr. Senada Dizdar. Ranije je objavljeno nekoliko bibliografija časopisa *Pregled*, i to Bibliografija *Pregleda* 1910-1912; 1927-1941. u izdanju Narodne biblioteke Bosne i Hercegovine u Sarajevu 1967. godine, zatim Bibliografija (1910-1978) objavljena u časopisu *Pregled*, broju 12 iz 1978. godine. Izradom nedostajućih bibliografija koje obuhvataju period od 1979. do 1991. te period od 2003. do 2020. godine, omogućen je bibliografski uvid u priloge objavljene u *Pregledu* tokom treće i četvrte faze njegova izlaženja.

Bibliografija časopisa *Pregled* (2003-2020) predstavljena je kao „tematska“ bibliografija, te djelimično anotirana bibliografija, s abecedno prikazanim bibliografskim jedinicama unutar sljedećih rubrika:

I ČLANCI / ARTICLES

II POGLEDI I MIŠLJENJA / VIEWS AND OPINIONS

III PRIKAZI I OSVRTI / REVIEWS AND COMMENTS

IV POSEBNI PRILOZI I NERUBRICIRANI RADOVI

V PRIJEVODI / TRANSLATIONS

---

<sup>1</sup> Web: <http://pregled.unsa.ba/new/index.php> (Pristupljeno: 10.10.2020.).

VI IN MEMORIAM

VII SEPARAT

VIII SPECIAL ENGLISH EDITION

IX SUPPLEMENT

X DOKUMENTI / DOCUMENTS

XI IZLOŽBA / EXHIBITION

XII OBRAZOVANJE / EDUCATION

XIII REGIONALIZACIJA / REGIONALIZATION

XIV UMJETNOST I DRUŠTVO / ART AND SOCIETY

XV UVODNIK / EDITORIAL

Sve rubrike, koje su se tokom *sedamnaest* godina pojavljivale u časopisu *Pregled* navođene su u bibliografiji, bez obzira na to što nisu bile stalne (npr. Obrazovanje). Slijedeći tematski raspored bibliografije, te nastojeći u bibliografiji reflektirati strukturu Časopisa, nakon najzastupljenijih rubrika, rubrika Članci, Pogledi i mišljenja, Prikazi i osvrti, Prijevodi, In memoriam, a čiji raspored u bibliografiji slijedi raspored pojavljivanja odnosno uvođenja istih u Časopisu (počevši od 2003. godine), u bibliografiji su navedena posebna izdanja (Separat, Special English Edition i Supplement), također po rasporedu njihova pojavljivanja, a zatim povremene rubrike te rubrike koje su se pojavile u svega nekoliko prvih objavljenih brojeva časopisa *Pregled*. Brojevi časopisa koji nisu bili rubricirani, te posebni prilozi, izlaganja sa okruglih stolova, naučnih rasprava i sl. navodili su se u rubrici broj IV, a takvim zapisima, gdje je god to bilo moguće, dodavale su se odgovarajuće napomene npr. napomene o izlaganjima sa savjetovanja, promocija knjiga i sl., na bosanskom i engleskom jeziku, tamo gdje je usporedni naslov bio prisutan.

Bibliografija časopisa *Pregled* 2003-2020 rađena je uz pomoć specijaliziranog alata za izradu bibliografskih baza podataka i bibliografija ProCite, a rađena je po *de visu* principu. Bibliografija sadrži ukupno 973 bibliografske reference.

Za bibliografsku obradu, u okviru specijaliziranog alata, korišten je *Journal Article* ulazni formular, a za potrebe izrade ove bibliografije u programu je kreiran poseban bibliografski stil. Kod struktuiranja izlaznog bibliografskog stila vodilo se računa o potpunosti i preglednosti bibliografskih jedinica, s težištem na pojednostavljenoj interpunkciji u odvajanju pojedinačnih elemenata opisa:

```
01 Author, Analytic|.04 Article Title|=|11 Translated Title.| // 10 Journal  
Title /| 30 Series Editor.| 18 Place of Publication:|19 Publisher Name.|22  
Volume ID /|24 Issue ID |20 Date of publication,|25 Page(s)|  
Notes: 42 Notes.
```

Bibliografski zapisi sadrže dakle podatke o: autoru / autorima, prevodiocu / prevodiocima, intervjuistu / intervjuistima; naslovu, podnaslovu, usporednom naslovu, usporednom podnaslovu; nazivu časopisa; imenu i prezimenu urednika; mjestu izdanja; izdavaču; tomu; broju i godini izdavanja; broju stranica; bibliografski značajnim napomenama.

Kod unošenja elemenata u pojedina polja ulazne maske, naprimjer polje autora, naslova, napomene itd. slijedili su se propisi Konsolidiranog ISBD-a, međunarodnog standarda za bibliografski opis, ali je konsultiran i standard BAS ISO 690 : 2016 Informacije i dokumentacija – Smjernice za izradu bibliografskih referenci i citiranje informacijskih izvora.

Svi elementi koji nisu bili prisutni na originalnoj građi, tj. uz obrađene priloge, naprimjer broj stranica, drugo ime autora, usporedni naslovi i usporedni podnaslovi, podaci o prevodiocima priloga i sl. navodili su se u uglatim zagradama.

Kod opisa priloga iz rubrika Članci, Pogledi i mišljenja, ali i u drugim rubrikama, u napomenama su se unosili bibliografski relevantni podaci, naprimjer podaci o ranije objavljenim verzijama priloga, podaci o tome da su prilozi prerađene / dopunjene verzije članaka, magistarskih, doktorskih disertacija, izlaganja sa konferencija i tome slično.

U rubrici Prikazi i osvrti, u napomenama su se samo navodili bibliografski podaci prikazanog djela i drugi značajni podaci, npr. šifra prikazanog projekta, ne subjektivne opaske autora, definicije i pojašnjenja pojma i tome slično, također, kao i kod članaka, nisu se navodile poveznice na biografije i bibliografije autora.

S ciljem ujednačavanja izgleda bibliografskih zapisa, kod prikaza i osvrti, a tamo gdje su sažetak i / ili fusnota o prikazanom djelu, projektu i sl. izostali,

prilozima su se dodavale nedostajuće napomene. Likovni prilozi nisu obuhvaćeni bibliografijom.

Bibliografija časopisa *Pregled* (2003-2020) ima Registar autora. U Registru autora, podaci o prevodiocima, redaktorima prijevoda, intervjuistima, označeni su dodavanjem odgovarajućih napomena ([prev.], [red. prev.], [intervju.]), imena stranih autora su navođena samo u etimološkom obliku, a u Registru su prisutna i korporativna tijela (npr. Redakcija).

Izrada ovog bibliografskog projekta u periodu globalne pandemije prouzrokovane COVID-19 virusom bila je jedno posve novo iskustvo, skoro u svakom aspektu bibliografske obrade. Pojedine bibliografske dileme, a zbog *lockdowna*, ne bi mogle biti uspješno razrješene najprije bez „online“ pomoći i strpljenja prof. dr. Senade Dizdar, a zatim i podrške kolegica Fuade Muslić, prof., mr. sc. Mirele Rožajac-Zulčić i Džejle Khattab, MA, kojima upućujem izraze zahvalnosti. Također, želim zahvaliti i Rektorun Univerziteta u Sarajevu, prof. dr. Rifatu Škrijelju i njegovom timu, kao i glavnom i odgovornom uredniku *Pregleda* prof. dr. Senadinu Laviću, koji su svesrdno podržali izradu i objavljivanje Bibliografije časopisa *Pregled* (1979-1991) te Bibliografije časopisa *Pregled* (2003–2020).